



15144

III Mag. St. Dr. P.

3876 Præcovo.

Erectio et fundatio Crossensis anno 1720.

I

T
E



q
co
pi
ru
qu
no
se
in
on
fu
ob
ae
an
di



ERECTIO ET FUNDATIO CROSSENSIS

Anno 1720. 8 Septembr.

IN NOMINE SS. TRINITATIS PA-
TRIS & FILII & SPIRITUS S. Amen.

THEODORUS POTOCKI, DEI ET APOSTOLICÆ SEDIS GRATIA
EPISCOPUS VARMIENSIS ET SAMBIENSIS, SACRI ROMANI IM-
PERII PRINCEPS, TERRARUM PRUSSIÆ PRÆSES.



D perpetuam futuram rei memoriam. Universis & singulis hasce literas
Nostras visuris, lecturis, legiq; audituris, aut quibus in præsenti vel fu-
turo tempore quomodolibet interest, intererit, aut interesse poterit,
Salutem in Domino sempiternam, & bene, laudabiliter & salubriter
gesta, ne temporum lapsu oblitterentur, vel evertantur, Scripturæ ad-
miniculo, posteris sœculis traditione Sanctâ consignando, significamus:
qualiter rei & Causæ, totiusq; Status circa Ecclesiam & Bona Crossen, eisq; adjuncta &
connexa, diligenter Indagine documentaliter & fundamentaliter instituta, atq; quod sic,
prout sunt facta, gesta & ordinata, ad Majorem Divinum cultum, salutemq; anima-
rum promovendam tendant, penitus perspicioendo, & pro comperto habendo, post-
quam Clerus Sœcularis Diocesanus Varmiensis, seu ex eo aliqui cœlitus inspirati, eō
nomine & fine Bona immobilia, Nobilia Juris Culmensis libera, Crossen, de Consensu
seu Decreto, piæ Memoriæ Illustrissimi Prædecessoris Nostri ex manu Sœculorum
indebitorum Possessorum, in rem Ecclesiæ loci, & suam, ad effectuandam intentio-
nem pie defuncti Canonici Cathedralis olim Petri Floriani Kryger, tum pie de-
functi Nobilis Friderici Josephi à Melitz, in eisdem Bonis Possessorum Hæreditari-
orum ibidem vindicassent, & Composito ex parte sua, notabili, ad ea redimenda,
ære, comparassent, subsequenter quoque de Nostro pariter Consensu & placito eti-
am conjuncta & sub eodem Privilegio contenta, contigua Bona, Villæ Thaalbach
dictæ, similis Juris Culensis libera, jam integra & plena emptionis titulō in Pos-
sessio-

sessionem receperint, prout ad præsens in Graniciebus & limitibus suis, absque cu-
jusquam contradictione pacifice possidentur & obtinentur; & quidem Bona Crossen
intra Granicies suas favore Ecclesiæ & Cleri Sæcularis Diœcesani prædicti, per
Nos & omnes ordines ac Status hujus Diœcesis ab omnibus oneribus Sæculari-
bus etiam publicis libera & immunita pronunciata fuissent, ac subinde in loco vete-
ris ligneæ quercinæ Capellæ in Anno 1599 quondam à Posseffore Nobili Jacobo
Bartsch ad recipiendum concursum devoti sub protectionem Augustissimæ Virgi-
nis DEIPARÆ in authographa ex antiquis temporibus (prout Erectio Anno 1600,
aliis veteribus scriptis tempore incursionis novæ Sectæ Lutheranæ per ejusdem
Sectatorem & Possefforem loci Crossen oblitteratis, sonat) Miraculis clarâ; sup-
pliciter confugientis Populi extructæ, jam amplior nova murata Ecclesia ei-
dem longè frequentiori populo recipiendo constructa, aliaque ædificia pro Clero
accommodando construenda, ac pia Fundationes ibidem instituendæ disposerentur.
Nos cupientes ejusmodi opus pium seu opera, quantum ex Nobis opportunis auxiliis,
subsidiisq; ac Authoritate Nostra Ordinaria, suffulcire, præmissis literis Citationis seu
edicti publici, & ex eis in termino die 20 Martij Anno 1715 Decreto Iudiciali in-
terposito, tum paulò post, die 18 Novembris ejusdem Anni primo lapide Angulari per
Nosmetipso posito, literisq; pro auxiliatrice Manu ad fabricam, typo editis, præhabito
quoq; & frequentius repetito cum venerabili Capitulo Nostro Cathedrali consilio,
tandem hodie pluribus de eodem gremio præsentibus infra nominatis, auxiliante Do-
mino eandem Ecclesiam plenissimè tam quò ad interiorem fornicem superiorem, &
muros calce incrustatos, & decenter dealbatos, quam deforis, una cum turribus col-
lateralibus, lamina cuprea tectis, in structura sua completam, sub titulo Visitationis, Au-
gustissimæ Virginis DEiparentis MARIAE ac Sancti Iosephi Sponsi ipsius Virginalis, In-
simul cum Altari Majori, & cæmeterio consecravimus & dedicavimus, die Anniver-
saria Dedicationis ad proximè subsequentem generalem totius Diœcesis Ecclesiarum
dedicationem, Dominica post festum Sancti Michælis proxima relatô & designatô.
Cujus Ecclesiæ regimen, ex intentione Nostra, & omnium, bona sua eidem confe-
rentium, ac votis populi, (cum Diœcesis hæc parva alioquin religiosis locis abundet)
nemo alias ullo unquam tempore consequi & obtinere debet, sub interminatione Di-
vini Iudicii, quam unicè Clerus Sæcularis de Indigenis hujus Diœcesis, sub nomine
aggregationis Sacerdotum; qui animo ibidem perseverandi ad vitæ tempora, de
eοց pro salute sua & pro posse suo, sponte & libere, etiam animabus Christi fideli-
um eundem locum visitantium, inserviendi, sua bona illuc conferant, & post obitum
suum ejdem loco relinquant, sobriam, piam pacificam, justam & exemplarem vitam
ducendo, sub directione Domini Archipresbyteri loci pro tempore existentis, qui
quoniā Clericus Clericum non decimat, titulo oblatorum & subsidi Spiritualis in
confessionibus Pœnitentium audiendis contentus erit annuatim pensione centum
marcarum & honore ac libertate, quod se eidem aggregationi incorporare valeat ac
in casum decessus senioris Sacerdotis seu præpositi, eundem locum & titulum ob-
tinere, ita ut alias, DD. Archipresbyteri in res œconomicas ejusdem Cleri &
Loci se prorsus non immisceant, nec eas conturbent. Penes quem Sacerdotem se-
niorem facultas erit veteranos Parochos Diœcesanos tam Episcopalis, quam Capi-
tularis Ditionis, qui se se ad beatè terminandam vitam hicce voluerint aggregare,
vel alios bonos operarios de Clero Sæculari recipiendi in vineam Domini; mensa
poterunt ad placitum, vel communi uti, vel si quis valetudinarius, in cubiculo suo
refici. In quantum proventus prædiales mensæ & sustentationi hujusmodi, frugali
non sufficerint, vel quæ quis intulit subsidia, absumpta fuerint, tunc ex oblationi-
bus poterunt peti, quæ fuerint necessaria pro victu & amictu more religiosorum,
arbitrio Senioris seu Præpositi, cuius in hoc conscientia oneratur, ne quem excessum
in hoc committat vel permittat; salvâ, quantum opportunum censuerit, ho-
spitalitate frugali; superfluæ oblationum pecuniae vel ad decorum Ecclesiæ & con-
serva-

servationem exponentur, vel in censum reemptitum elocabuntur; Benedictiones quasvis ex Rituali Romano sive publicas sive privatas ejusdem Loci Clerus per agere poterit, uti & depositiones ac funera, exequias, Anniversaria, tricesimas, personarum Sacerdotalium, Clericorum & Incolarum ejusdem loci, prout & Domestico rum ac inservientium peragere. Aliorum vero extraneorum, qui ibi sepeliri affe starent, non nisi de licentia DD. Archipresbyteri Loci, & salvâ ipsi quartâ funerali. Qui idem Archipresbyter ibidem etiam alia Sacra menta Baptismi & Matrimonii pro casu incidenti per se vel delegatum Sacerdotem, servato ritu Ecclesiæ, vel Sancti Concilii Tridentini præscripto, administrare valebit. Oleum infirmorum ad usum Sacerdotii & Incolarum loci in Ecclesia, competenti loco conservabitur. Accidentia funeralia, offertoria, & cerei, ac quaecunq; alia tali occasione, exhibita, Ecclesiæ cedant loci. Talis Instituti supra expressi Sacerdotes sacerulares ad præsens sunt hi inscripti, & residentes, Primus Gaspar Simonis ex Archipresbyter Vormd. cui ad subsidium fabricæ contulimus nuper vicinum Canonicatum Gutstadiensem cum Residentia, utpote qui utriusq; Loci obsequio probè & utiliter satisfacere valeat; Secundus Paulus Adalbertus Knobloch ex Parochus Megenensis. Tertius Andreas Peltz Annosus Sacerdos, Capellanus loci. Quartus Michæl Matthæus Lamprecht Sacerdos noviter in provisionem hujus Ecclesiæ ordinatus; nam pluribus adhuc desunt mansiones. Fundationes seu obligationes missales extant hæ: Prima ex unctione anni 1600 Missæ duodecim per annum, seu quovis mense una: Secunda ex Fundatione R. Pauli Knobloch prædicti, una missa hebdomadatum votiva vel de S. Iosepho Nutritio Domini, vel Commemorationis Beatæ Virginis de Monte Carmeli pro Confraternitate S. Scapularis. Tertia Friderici Iosephi Melitz, duæ Missæ hebdomadatum unius de Beata Virgine, alterius de Requiem pro Familia Melitiana. Quarta ejusdem Melitz post fata ipsius Agnæ Virginis Iustinæ Attinska, quæ advitalicio Iure, decem Mansorum hic in Crossen usu fructu potitur, seu pensione condicâ, 300 florenorum. Quinta Guldensterniana trium Missarum hebdomadatum, quæ vel in Crossen etiam aliquæ, vel pro opportunitate in Ecclesia Vormditensi absolvi poterunt. Privilegia & libertatem Bonorum Crossen cum Mola, quam Thalbach Iure Culmensi libero confirmamus. Iuribus Mensæ Nostræ Episcopalis salvis, videlicet aratralium nomine de quovis aratro unam mensuram filiginis & unam avenæ, id est, de Bonis Thalbach filiginis Modios septem, Avenæ Modios septem; De Bonis Crossen filiginis Modios quatuor absq; una quarta & Avenæ totidec, atq; una libra Ceræ, velut duntaxat in tenore Privilegij notatur, tum de Mola Marcas duas, nam à servitijs militaribus, quæ à longissimo tempore hinc non fuerunt in usu, intuitu continui obsequii Ecclesiæ prorsus liberamus. Scultetus à Possessore Bonorum Crossen assertum Privilegium primæ locationis Villæ obtinens Ecclesiæ inserviet, & omnimodè Clero Loci subjectus erit, præstanto, tam quæ in prima locatione Villæ præscripta sunt, quam quæ aliarum villarum Ditionis Episcopalis sculteti officio Castri præstare solent & debent, aut per Æquivalentia. Et quoniam Bona Crossen penuria lignorum laborant, atq; cum plurimum Sacerdotum accessu, ad focum & fornaces provisio lignorum sit necessaria, concedimus, quatenus ex Sylvis nostris Episcopalibus tam vicinioribus, quam remotioribus, arida vel jacentia ligna, ac truncos & stipites, nullatenus autem viridia & ædificiis apta, æstate & hyeme secare, colligere, convehere & evehere valeant; cæteris in Privilegio contentis in suo robore manentibus. Et sic nos præmissa Omnia & singula, præsentium per tenorem, Authoritate Nosta ratificamus, confirmamus, stabilimus, ac perpetuitatis robur adjicimus, & Erectionis titulo perenniter adscribimus, Summas quoque Capitales cum censibus quasvis etiam in futurum accrescentes, nec non fundos & Bona ad eandem Ecclesiam immediate spectantia, uti jam alias factum, immunitati atque libertati Ecclesiasticae inscribimus & incorporamus omni meliori modo. Promittentes pro Nobis & Successoribus nostris Eundum locum & Clerum sub Protectionis

Nostræ brachio & tutamini æternæ retributionis intuitu, fovere & manu tene-
re; Actui Consecrationis & Erectionis Ecclesiæ Præsentes adfuerunt de Gremio
Venerabilis Capituli Nostri Cathedralis Varmiensis, PP. DD. Bernardus Theodo-
rus Liber Baro de Schenck Decanus, Michaél Remigius Łaszewski Custos, Fran-
ciscus Fridericus Janwiez Cantor, Matthias Sołtyk Decanus Culmensis Canonicus
Varmiensis, atq; Georgius Fridericus Liber Baro de Königshek, Godefridus Hen-
ricus Liber Baro de Eilenburg, Remigius Czarlinski Canonici Varmienses, de Ca-
pitulo Ecclesiæ Collegiatæ Guttstadiensis, Joannes Chrysostomus Rogalli Cancellarij
Noster, Joannes Adalbertus Heinigk, Caspar Simonis Canonici Guttstadiensis, tum
& Illustris Joannes Michaél Braun Archipresbyter Vormditensis, aliiq; Parochii
Vicini, tam ex Meelsaccensi quam Vormditensi Archipresbyteratibus, cum reliquo
Clero assistente. In quorum fidem præsentes Manu Nostra subscriptas, Sigillo No-
stro communiri jussimus. Datt. In Crossen Anno Domini Millesimo Septingentesimo
Vigesimo. die Festo Nativitatis Beatissimæ Virginis MARIAE, octavâ Septembri,
quæ erat Dominica XVI. post Pentecosten.

THEODORUS EPISCOPUS (L.S.)

JOANNES CHRYSOSTOMUS ROGALLI
VARSAVIENSIS ET GUTTSTADIENSIS CANONICUS, SUÆ ILLU-
STRISSIMÆ CELSITUDINIS CANCELLARIUS, SACRÆ REGIÆ MA-
TESTATIS SECRETARIUS. mpp.



Biblioteka Jagiellońska



stdr0024633

